

AKHBAR : MAJALAH LABUR

MUKA SURAT : ONLINE

TARIKH : 16 OGOS 2021

HARI : ISNIN

SENTIMEN : NEUTRAL

MAJALAH LABUR

Laman Utama

Belajar Saham ▾

Pelaburan ▾

Kewangan ▾

Inspirasi

Forex

4 Sebab Utama Peminjam PTPTN Gagal Membayar Balik Hutang



Pak Teh

August 16, 2021 10:31 am



Image by [Varun Kulkarni](#) from [Pixabay](#)

Mengikut rekod, Perbadanan Tabung Pendidikan Tinggi Nasional (PTPTN) merekodkan 2.9 juta peminjam dengan 1.4 juta dilaporkan masih culas membayar balik pinjaman masing-masing. Mengapakah peminjam-peminjam ini masih lagi gagal untuk membuat pembayaran berkenaan hutang PTPTN mereka meskipun telah mengakhiri zaman belajar?

Berikut merupakan 4 punca utama kenapa ramai peminjam PTPTN tidak dapat membuat pembayaran semula hutang tersebut.

#1. Gagal Mendapat Pekerjaan

Hari ini, memang agak sukar untuk para graduan yang telah menamatkan pengajian mereka untuk mendapatkan pekerjaan. Ekoran daripada kesukaran ini, apabila tiada pekerjaan maka mana mampu mereka ini untuk membuat pembayaran balik hutang mereka dengan PTPTN.

Bilangan graduan yang tinggi setiap tahun ditambah lagi dengan keadaan ekonomi yang tidak berapa baik, maka semakin ramai yang menjadi penganggur dan berebut-rebut mendapatkan pekerjaan.

#2. Kos Sara Hidup Tinggi



Sana sini perlu berjimat, bagaimana pula untuk membayar hutang PTPTN? Komitmen yang sedia ada telah menjadikan ramai yang cukup terbeban.

Bukan sekadar komitmen sedia ada yang tinggi namun, kos sara hidup yang semakin tinggi membuatkan ramai orang yang memilih jalan untuk mengelak daripada membuat pembayaran semula pinjaman pendidikan.

#3. Gaji Yang Rendah



Meskipun gaji telah naik namun, ia masih tidak dapat menampung kos sara hidup yang semakin meningkat naik daripada kenaikan jumlah gaji. Itu pun kalau ada kenaikan gaji tahunan, kalau gaji tak naik-naik pula bagaimana?

Bagi mengatasi masalah ini, maka tiada jalan lain selain daripada melakukan 2-3 kerja dalam satu masa. Kita perlu menjadi lebih kreatif untuk menjana pendapatan sampingan seperti berniaga atau membuat kerja part-time lain.

#4. Tiada Tanggungjawab



Yang terakhir sekali, memang akan ada golongan yang tidak bertanggungjawab yang enggan membuat pembayaran semula meskipun mereka ini sebenarnya mampu.

Kita perlu memupuk sikap yang lebih bertanggungjawab dan memikirkan masa depan generasi akan datang yang bakal menggunakan duit PTPTN ini untuk menampung pembelajaran mereka.

Elakkan sikap mementingkan diri sendiri dan kita kena sedar bahawa hutang adalah wajib dibayar. Takkan kita nak hidup dilabel sebagai manusia yang tidak berintegriti, tidak amanah dan memalukan bangsa dan agama?

<https://www.majalahlabur.com/kewangan/pembiayaan/4-sebab-utama-peminjam-ptptn-gagal-membayar-balik-hutang/>